



NEKANE AKARREGI

AZALPENAK EMOTEN. Haur eskolea hobeto ezagutzeko, maisuek taldeka hartu ditue bisitariak.

Atea zabaltzen

KALAPITXI HAUR ESKOLEA. Ondarroako Txomin Agirre ikastoleak herritarrek konbidatu ditu euren haurtzaindegia barritua ikustera

Nekane Akarregi | **ONDARROA**

Ondarroako Txomin Agirre Ikastoleak Kalapitxi Haur Eskolako atea zabaltu dau. Herritarrek aukerea izan dabe Kalapitxi haurtzaindegia programara ezagutzeko eta baita eskolako itxura aldaketegaz harritzeko be. Abenduaren 15ean egingo dabe inaugurazioa ofiziala.

Udatik beharrean ibili dira Artabide kaleko 4an. «Lokal bardina izan arren, derrigorrezkoa ikusi genduan egokitze beharrak egitea gure estimulazio goiztiarreko programara aurrera eramateko», esan dabe Txomin Agirre Ikastolako arduradunek.

Programa horren barruan gozotasun pertsonala, segurtasuna eta instalazio erakargarriak eukitea oinarritzat jo dabe ikastolakoek. Holan, behagea egokitu dabe, hormak bota ditue, lekua irabazi da, eta gela handi oso baten ibiliko dira umeak; ganera, hormen orde, kristalak eta espiluak jarri ditue, denpora guztian irakasleek jakiteko umeak non eta zertan dabilzan. «Ez dau lehengo eskolea be emoten!», dino guraso-bisitari batek.

Euren metodologia ezagutu eragiteko, ikastolakoek harreara diapositiba emonaldiaz egitea erabagi dabe. «Egoki ikusi izan dogu holan egitea, argiagoko ikusten dalako zeintzuk diran gure asmoak».

UMEAREN JARRAIPENA

Psikopedagogia taldea, mediku zerbitzua eta familiagaz hartu-emon zuzena eskaintzen dabe

Koloreak, forma ezbardinak paretetan, soinu eta musika saioak, pertsonajeak, oreka jolasak, luzatzeko ziburuak, gomazko pelotez betetako igerilekua, etxetxoak... danak bere zergaitia daukala azaldu dabe eskolako irakasleek. «Elementu honek guztiek umeentzat erakargarriak izateaz ganera, zozergaitik dagoz dagozan tokian ipinita: danek balio dabe umeak

estimuletako eta euren zentzuak bizteko. Hori garrantzitsua da euren ikasketa prozesuan», dinoe.

Umeen begiradatik

«Konturatzen bazarie, ganera, umeen neurria eta euren begiradatik prestatuta dago eskola guztia», azaldu dau irakasle batek, komun eta eserleku txikiak seinaletan. Honez ganera, bertan bazkaltzeko aukerea daukie umeek.

Zera eskaintzen dabe: psikopedagogia taldea, eskola aseguru, mediku zerbitzua, eguneroa eta hartu-emon estua familiagaz. «Derrigorrezkoa da umearen jarraipena egitea eta gurasoek horren barri eukitea».

KALAPITXI, ESTIMULAZINO GOIZTIARREKO ESKOLEA

Umeen adimena txikitatik lantzen

Txomin Agirre Ikastolako arduradunek aitortu daben legez, Kalapitxi haur eskolan, metodologia barrien alde egin dabe. «Zergaitik? Betiko metodo tradizionalak ez dakielako giza ahalmenetik atarramentu gehiagorik ataraten, nahiz eta giza ahalmena sekulakoa izan». Horretxegaitik, estimulazio goiztiarreko programara lantzen dabilz Kalapitxi eskolan: estimulazioa txiki-txikitatik hasten bada lantzen, teknika eta metodologia egokienekin, umeak trebetasun eta gaitasun onenekin haziko dirala esan dabe. «Zoriontsuagoak, pertsona hobeak eta autoestima osasuntsuagoa izango dabe». Neurofisiologiak aztertu dauen lez, pertsonaek 0tik 6 urte bitartean daukanean egiten dira buruko neuronen loturak, «eta lotura horreek beharrezkoak dira heziketa prozesuan, erakutsi behar deusegun guztia egiten joateko», dinoe.

ETXEBARRI. Ekitaldia bihar gauean izango da

Etx taldeak baserriaren etorkizunaren ganeko mahaingurua antolatu dau

Lore Bengoetxea |

Etx taldeak mahaingurua antolatu dau baserriaren ganean, bihar, gaueko 21:00etatik aurrera, Udaletxeko batzar aretoan.

Baserriak badauka etorkizunik? itaunduko dau Etx taldeak. Horrexer erantzuten ahaileginduko dira bertako ekoizpenetik bizi diran inguruko baserri batzuk, Azabel, Xemeingan eta Axpe, hain zuzen be.

Etx talde sortu barria da ekitaldiaren antolatzailea.

Biharkoa, ganera, estreinako ekimena izango dau.

Nahiak

Biharko ekimena aurkezteaz ganera, taldeak bere izatea azaldu dau, eta aurrera begira daukazan asmoak aurreratu ditu. «Etx, orokorrean, kulturaz arduratzen dan taldea da, baina kezka eragiten dauen edozein gairen ganean berba egitea da asmoa, hartu-emonak sortu eta kritikotasuna lantzearen», dinoe zeregin barriari eutsi deusienek.

LEKEITIO. Kanpaina Gabonetan egingo dabe

Lekeitio-Sahara taldeak jostailuak, jatekoa eta botikak batuko ditu

L.B. |

Gabonak ganean dagozala eta, Lekeitio-Sahara plataformeak kanpaina berezia antolatu dau jostailuak, jatekoa eta botikak batzeko. «Alkartasuna ez dadila udan umeak ekartean gelditu», esan dabe. Udalak eta Aittita Txiki Kultur Alkartek be lagundu dabe kanpaina antolaten.

Beste herrietan ez, baina Lekeitio jostailuak be batuko ditue Saharakoentzat. «Jostailu barriei lekua izteko, ekarri eizuz aspaldikoak, beste ume batzuek be jolasteko aukera euki daien», esaten da banatu daben orrian.

Jostailu erabiliak abenduaren 10etik 21era batuko ditue. «Ez ekarri jostailu apurturik, ez piladunik, ez handiegirik», gogoratu dabe. Epetik kanpo be itxi leitekez, abenduaren 26tik urtarrilaren 6ra, Barandiaran aretoan.

Lekeitio-Sahara taldeak jostailuak, jatekoa eta botikak batuko ditu. «Ez ekarri jostailu apurturik, ez piladunik, ez handiegirik», gogoratu dabe. Epetik kanpo be itxi leitekez, abenduaren 26tik urtarrilaren 6ra, Barandiaran aretoan.

Lekariak

Jatekoari jagokonez, indabak, garbantzoak eta dilistak batuko ditue, dendetan, abenduaren 22ra arte. Botiken artean, gripearen kontrakoak eskatu ditue, «ahal bada, generikoak, merkeago diralako eta baten diruagaz bi erosteko aukerea izango dogulako». Lekeitio hiruko botiketan jasoko ditue, abenduaren 22ra orduko.



LORE BENGOTXEA

Lekeitio jostailuak batzeko kanpaina be antolatu dabe.